

安南紀畧

劉憲孫著

欽定安南紀畧卷九

十二月初九日兩孫士毅奏言十一月十九日
黎明抵富良江見對岸賊兵蟻聚大小船隻或
在江心或在彼岸官兵勢難猝渡賊人在江心
施放大炮連綿不絕我兵已在江岸擊牆賊砲
不能得力察看賊兵雖多勢甚錯亂知其心已
不固急覓沿村小農船數隻竹筏數片乘載官

兵一百餘人先剿江心賊匪。賊人見我兵驟進，鎗砲並發。我兵奮勇直前，奪取賊船一隻，攪翻一隻。餘賊退去。少間又復前來。是日在江心打仗凡五六次，殺賊百數十人，生擒十七人。當即正法訖。賊始膽落，不敢前進。我兵因船筏無多，不便追至彼岸，致有吃虧。而察看賊情似已慌張。我兵得有船隻，儘可乘機剿殺。無如遍覓船

隻既不可得而沿江竹子俱為賊匪砍盡不能
多編竹筏臣心急如焚因思賊情已亂昏黑之
中未必能辨兵數多寡遂將船筏儘數配載只
數二百餘人渡江之用提臣許世亨總兵張朝
龍尚維昇副將慶成叅將楊興龍游擊張純等
督率官兵二百餘人于二十日五鼓直衝彼岸
賊人初猶放炮抵禦及我兵將次到岸賊即竄

迫不知所為。有下船逃遁者。有在江岸亂竄者。我兵痛加殲戮。生擒四十六人。並奪獲小船三十餘隻。遂駛回更番渡兵二千名過江。黎明分路追殺賊人。傷死無算。復生擒一百八十七人。又見賊船十餘隻。約有三四百人。在江心順流而去。游擊張純帶領小船三十餘隻。安設鎗炮。迅速趕上。賊人自恃船大。回頭迎敵。我兵鎗砲

猛烈復拋擲火球將賊船圍燒沉入江心。巨與
許世亨望見數百賊匪無一得脫。內有二船未
沉。拉至岸邊。見船內賊人俱為鎗火斃命。獲有
印箱內貯銅牙木等印。細驗篆文一係興化鎮
一係龍晉侯。一係指揮高策。皆在黎城為賊用。
事者比十餘隻賊船。大約偽職居多。黎氏宗室
及百姓人等俱出城跪迎。黎城不攻自破。巨同

許世亨止帶將弁數人輕騎進城至大街出示
安撫畢即刻出城劄營兵丁無一人入城者查
看周圍用土壘城高四尺上種叢竹土城內有
磚城二座不甚寬廣臣令黎氏宗室保護國王
宮室樣稱現已殘破不堪諸物俱蕩然無存等
語計十九二十兩日殺賊多寡情形與市球江
約畧相似並詢據黎氏宗室及百姓人等稟稱

賊兵防守黎城，本來不過六七千人，聞大兵進剿，又從賊黨調到七八千人。昨因壽昌江兵敗，即從黎城抽調五六千人，添赴市球江，一同抗拒。十七日將晚，見市球江賊兵一二千人，紛紛敗回，聽得被大兵殺死過半，賊人十分慌亂。連夜將黎城細軟物件及銀錢糧米等項，搬運下船，即于十八日五鼓從水路逃往富春，留賊兵

二三千人在此拒守等語。臣查前次市球江痛
勤賊匪。據各將備稟報殺賊數千。臣以語近不
經。當係綠營粉飾習氣。加以呵斥而目擊殺賊
實多。因以約計千人以上。入

奏。今據黎氏宗室人等所稟。則市球江殺賊之數
竟似不止千人以上。再向來軍營以割取賊人
首級或耳託為功。臣以追殺賊人間不容髮。與

其割已死之首級耳。詎而縱生賊于數十步之外，甚至彼此爭割，耽誤尤甚。是割取首級等事，徒為該弁兵等記功起見，於剿殺賊匪大屬非計。臣此次不令於剿殺吃緊時割取，致滋延悞，是以殺賊較多，至生擒賊匪均係受傷不能疾走之人。于追殺之後，回兵轉送原屬無碍。臣惟嚴諭將備開報弁兵功績，倘有偏私，一經察出，

從重治罪。臣守法較嚴。現在各將備似尚不敢
出此。再賊匪四竄。勢難搜剿淨盡。臣遍諭各村
莊及黎城內外居民。爾等久為賊匪毒害。今大
兵進剿。除臨陣誅戮外。逃匿必多。若令官兵分
赴各鄉搜捕。不免藉端滋擾。不如各村寨自行
挨查縛獻。既洩爾等忿恨。且可免諱匿包庇之
罪。該夷民等均凜遵實力搜查。每日縛送數十

人訊係賊匪隨到隨即正法現尚紛紛不絕

同日孫士毅又奏言黎氏政令廢弛已久既惠
用之已猛雖人人怨恨而賊兵所到無不懼伏
投降黎氏實已並無寸土自仰荷

恩命令臣布以誠信震以兵威遠近始稍稍變計然
使大兵不出則彼此觀望遷延斷不能為黎氏
力圖恢復蒙

皇上洞燭情形。

諭令官兵進剿夷情。纔知趨向。此時各鎮目係阮惠
偽職居多。現尚擁兵負固。必須一面嚴檄曉諭。
一面分兵收復。由該國王遴選幹練之員。到彼
鎮撫。則彼路肅清。方可直搗賊巢。節次欽奉
諭旨。令臣嚴防後路。臣與許世亨一一恪遵辦理。現
在黎維祁已邀。

思襲封論防範後路係該國之事無如優柔成習自

顧不暇即如臣統兵進剿黎維祁儘可放心前

至軍營乃聞伊藏匿之處離臣不遠因賊氣甚

惡恐官兵未必遂能恢復黎城不敢出頭必俟

臣十一月二十日將黎城克復方於是日二鼓

前來見面其萎靡不振實為可慮至阮岳阮惠

賊巢一在順化一在廣南彼此相近自黎城至

彼有水陸二路。大兵水陸並進。收效方捷。水程約半月可到。然經歷洋海。非大船不能前進。而黎城可以放海之船。均為賊人載物而逃。現已無存。臣上緊催覓船。近趕辦中。號船四十隻。載兵二千。水陸便可起程。又陸路計程二十五六站。每站八九十里。一百里不等。其地即古占城。國查出安南進兵占城圖說。竟行至六十一日。

之久聞其間山徑極為崎嶇糧臺至少約須五十餘處臣思自南關至黎城糧臺只十七處辦理已形竭蹶若從內地運至富春廣南約須七十臺為程太遠似應即在黎城購備米糧設臺滾運將自南關至黎城十七處臺員撤至廣南一路只留弁兵在彼馳遞文報再由撫臣孫永清派佐雜等官三十餘員湊成五十員速赴黎

城隨同大兵前進安設糧臺于事方為有濟而
黎維祁以安南連年積歉雖今歲收成暑好遭
阮惠到處搜括現在民間積貯無幾頗有難色
看來即使在黎城竭力購備亦不過十日八日
之糧無濟于事是南關一路仍須照常滾運臣
現在咨高孫永清設法趕辦並思廣西佐雜調
用已多若再添出五十處臺員亦恐難以應付